

十朝东华录

十朝东华录

秋七月乙未賞楊延亮父世懷四品頂帶嗣子澤萬襲騎都尉世職○甲辰諭大學士文字在軍機大臣上行走有年謹慎小心前歲因年近七旬奏請解職朕察其精神尚健未經允准昨日召見時面稱近年兩耳重聽聞復健忘據實陳懇情詞切朕不忍再違所請文字著以大學士管理吏部事務無庸在軍機大臣上行走以節勞勩而示體恤○命刑部右侍郎趙盛奎工部右侍郎賈尙阿在軍機大臣上學習行走○甲寅陳用光以病免調杜壩爲禮部左侍郎以申啟賢爲吏部左侍郎服闋○是月給陝西沔縣洛川縣被水湖南華容等三縣衛被旱口糧展緩甘肅茶商運課

八月丁巳朔鄭祖琛乞終養允之以賀長齡爲福建布政使前任江甯○癸亥調趙盛奎爲戶部左侍郎姚元之爲刑部右侍郎○

甲子諭朕寅承丕緒撫馭萬方盱衡宵衣無日不以勤恤民依爲念十五年中劬農重穀減賦停徵疊沛恩綸覃敷閭閻所願四海

蒸黎家給人足共享昇平之福因思各省民欠錢糧自嘉慶年間蠲免以後迄今又閱十餘年矣比歲以來仰蒙 慈佑慶協穀豐

民氣和樂本年恭逢 聖母皇太后六旬萬壽欽惟 慈禔尤被歡洽敷天允宜申錫無疆普蠲通賦所有各省節年正耗民欠錢

糧及因災緩徵帶徵銀穀並借給籽種口糧牛具及漕項廬課學租雜稅等項卽著各該督撫將軍府尹等將道光十年以前貢大

在民者詳悉查明按照該省所屬之某州某縣銀數若干速行開單具奏候朕以次降旨全行豁免並著先將此旨謄黃宣示城鄉

村鎮咸使聞知俾官吏胥役無從影射侵欺以期膏澤下究用副朕錫羨延 釐普惠實區至意○癸酉鍾祥奏英吉利船隻駛入

東省劉公島洋面派委員弁巡堵不准進口命直隸奉天江南山東福建浙江各督撫府尹等嚴飭沿海文武員弁巡防堵截並嚴

禁內地奸民交易接濟○丙子奉移 孝穆皇后梓宮由寶華峪啓行○庚辰諭科道爲朝廷耳目之官責任至重凡政治利弊攸

關如有真知灼見俱應據實上陳直言無隱近來科道中馮贊勳金應麟黃肅滋曾望顏等平日遇事均屬敢言聞有指陳亦皆明

白曉事其有關繫國是切中時宜者無不量加採納立見施行是以將該員等擢任京卿所以風勵言官卽是廣開忠諫之路該員

等益當仰體朕意遇事敢言一切毀譽榮辱之念俱不應存於中惟於國計民生實有裨益或除奸剝弊確有見聞均當剴切直陳

毋有隱諱儻謂既非言官遂甘緘默則是以建言爲梯榮之具驟得升階卽圖保位似此沽直聲於前而思緘口於後不幾與朕用

人圖治之意大相刺謬耶嗣後務當屏除私見盡心盡職不避嫌怨力矢公忠不特政務關繫民生國計及牽涉內外臣工者仍應

據實指陳不可妄生疑懼卽朕用人行政之際稍有闕失亦當隨時進言以資採納朕總理庶政一秉大公卽聽言一節深望諸臣

切實敷陳不憚再三諫誡期以察天下之治忽非徒博納諫之虛名其有徇隱姑容前後易轍者尤當深以爲戒言行相顧始終不

渝朝廷收讞言之益國家著直臣之效朕實有厚望焉○太子少保兩廣總督盧坤卒晉贈太子太師賜祭葬諡敏肅予其子員外郎端黼服闋後卽補○以鄧廷楨爲兩廣總督色卜星額爲安徽巡撫梁章鉅爲甘肅布政使病痊布○辛巳 上詣太平營 孝

穆皇后梓宮前奠酒目送○癸未 上詣田村 孝愼皇后梓宮前行祖奠禮○甲申 上啓鑾謁 西陵是日奉移 孝愼皇后梓宮由田村啓行○免經過地方額賦十分之五○是月給陝西府谷縣蠶災口糧並緩徵額賦展緩江西上高等四十廳縣被旱新舊額賦及借欠銀穀

九月戊子 上謁 泰陵 泰東陵 昌陵詣龍泉峪閱視 寶城○以 萬年吉地工程堅固整齊晉監工大臣穆彰阿太子太保賞紫纒加阿爾邦阿太子少保復敬徵二品頂帶花翎賞奎熙花翎○賞相度 萬年吉地之大臣耆英太子少保晉禧恩太子

太保奕紀太子少保○己丑 孝穆皇后 孝愼皇后梓宮至 龍泉峪奉安於 饗殿 上親臨奠酒○庚寅 上回鑾○癸巳 上還京師○戊戌實授麟慶江南河道總督○辛丑諭前據敬敏等奏工部郎中嵩曜呈請代奏一摺當降旨著載銓明白回奏

並派大學士軍機大臣傳集嵩曜等訊明具奏茲據大學士軍機大臣將傳訊嵩曜等各供詞呈覽與載銓所奏情節相符嵩曜等係工部派充總辦奉移事宜司員載銓身任工部堂官其於各員沿途差務自當備細查詢係爲慎重公事起見並無不合至嵩曜

係定親王奕紹哈喇阿並非包衣可比載銓在官言官與屬員講論公事不應牽引及此措詞過當實屬嚴率載銓著交宗人府議處嵩曜於載銓稱爲家裏人之語當以是哈喇阿明白登覆尙無不合惟於差竣後具呈轉請代奏恐開屬員訐告之漸此風斷不

可長嵩曜著交部議處○壬寅諭昨因載銓查詢該部司員嵩曜沿途差務措詞過當並嵩曜負氣具呈當降旨將載銓交宗人府嵩曜交部議處因思雍正嘉慶年間曾經奉有 諭旨疊加 訓飭當著軍機大臣恭錄進呈朕恭閱雍正四月間 諭旨內載從

前下五旗之人其心止知有君上不知有管主朕事事故法 祖宗願爾等亦效法爾之祖父忠誠自矢一念不移又嘉慶二十五

年間 諭旨內載景安係一品大臣被昭捷指稱係其屬下隱忍不行參奏殊屬非是 聖訓煌煌所以垂誡臣工者至爲詳備允

宜永遠遵守著通諭各該旗王公等嗣後當懷遵 訓諭益矢恪恭不可稍存自大之意從前下五旗佐領分與諸王等令其管轄

作爲哈喇阿並非包衣可比國家承平日久各旗人員均屬滿洲臣僕朕一律看視望其爲國宣力各摠忠誠該王公等當知哈喇

阿人等爲國家任使之不得盛氣陵轍率意指摘該哈喇阿人等亦不得曲意逢迎顯違定制其各懷遵毋忽○乙巳定順天鄉

試中式舉人覆試例○丙午朱爲弼以病免以恩特亨額爲漕運總督○丁未轉廉敬爲刑部左侍郎以特登額爲刑部

右侍郎容照爲馬蘭鎮總兵官○庚戌惟勤蔡世松以監臨鄉試於士子亂號未能認真詳查覆奏應降二級調用○

以吉倫泰爲理藩院右侍郎○乙卯諭鄂爾安自簡任山西巡撫諸事疲頓不能實力整頓即如本年三月越城縣逆匪糾

眾滋事焚署戕官該匪等不過烏合之眾一經官兵進剿即紛紛逃竄立就肅清其失察習教傳徒各員無難迅速查明奏請處分

該省距京甚近遲至半年尙未入奏河東道但明倫霍州直隸州知州惠馨於所屬匪徒滋事未能先事覺察轉爲奏請寬免處分

流犯稍勤係擬斬減流之犯即使奮勇出力該撫不過自行酌量給獎乃遽行入奏均屬非是此次保奏各員文職多至十餘人武

職僅止二員流犯尚請予釋罪而弁兵竟無出力可保之人該撫兼提督銜節制各鎮營務皆其所轄乃一過地方不靖竟似全藉文員料理蕘事而行伍出力者轉少則是武備廢弛平日不能認真訓練已可概見山西事務較簡辦理向如此竭蹶鄂順安實不勝巡撫之任著降為三品頂帶補授盛京禮部侍郎○以申啓賢為山西巡撫調陳嵩慶為吏部左侍郎以卓秉恬為禮部右侍郎由內閣學士遷○調貴慶為刑部右侍郎特登額為盛京刑部侍郎○召盛京禮部侍郎普保來京○召徐鏞來京調經額布為山西布政使以伍長華為雲南布政使慶林為甘肅按察使由河南開歸陳許道遷○是月給兩淮板浦中正二場被水墾丁口糧緩徵陝西榆林縣蒙州電災江西金谿等九縣旱災額賦

冬十月戊午子故大學士前任伊犁將軍松筠入祀惠遠城祠○壬戌特登額以母老命留京以富呢揚阿為盛京刑部侍郎由多

參贊大臣○癸亥以宗室功普為左副都御史由通政使遷○甲子以 皇太后六旬聖壽恭上 皇太后徽號曰 恭慈康豫安成莊惠

壽禧皇太后○乙丑 皇太后六旬聖壽節 上率王公大臣詣 壽康宮行慶賀禮御製 皇太后六旬壽頌十章 上御太和

殿羣臣進表行慶賀禮頒詔天下覃恩有差○丙寅召惠豐來京以龔綬為湖南布政使調慶林為山西按察使以程德潤為甘肅

按察使由山東鹽運使遷○乙亥賜波啟善等五十九人武進士及第出身有差○己卯以富呢揚阿為烏魯木齊都統調鄂順安為刑部

侍郎以明訓為盛京禮部侍郎由吐魯番領隊大臣遷○庚辰以廖鴻荃為兵部左侍郎前任侍郎○癸未論本年九月間舉行奉安 孝穆皇后

孝慎皇后梓宮典禮嵩曜係工部派充總辦事宜司員載銓於事畢後在榮格莊行營查詢沿途差務率指嵩曜為家裏人嵩曜

當以哈喂阿明白登覆差旋後復向敬敏等呈請代奏當降旨令載銓明白回奏並派大學士軍機大臣傳集嵩曜等訊明具奏隨

據將傳訊各供詞呈覽與載銓所奏情節相符朕因載銓措詞過當並嵩曜員氣具呈恐開屬員訐告之漸復降旨將載銓交宗人

府嵩曜交部議處旋經宗人府將載銓照例議罰職任俸一年吏部將嵩曜照例議罰俸九箇月朕酌嚴情節均屬允協業經降旨

准行此案載銓以堂官查訊司員差務係為慎重公事起見本無不合使非載銓措詞過當嵩曜敢於負氣具呈朕必將載銓處分

寬免重治嵩曜訐告長官之罪公是公非權衡至當本無畸輕畸重於其閒茲事隔兩月之久御史湯鵬詳行奏稱載銓處分過輕

請再交宗人府量加議處並請將嵩曜處分寬免等語朕綜理庶政一秉大公從不設以成見遇有應行處分事件或特旨施行或

交部嚴議總期情理悉協眾論允符若事經數月於奏定准行事件紛紛演請交議改更無此政體且賞罰為朝廷大權豈容臣下

妄行干預湯鵬此奏率意瀆陳實屬不知事體輕重不勝御史之任著仍回原衙門行走○太子太傅子告大學士托津卒晉贈太

子太師命慶郡王綿懋奠茶酒賞銀一千五百兩治喪入祀賢良祠子祭葬諡文定○甲申御史易鏡清奏三場試策請改用律例

一道下禮部議尋議國家設科取士責以報稱者甚多不獨在理刑一端若於進身之始先責以名法之學無論勸說雷同無裨實

用即真心講貫者亦必荒其本業旁及專家以法律為詩書更恐揣摩求合之士承迎風旨因緣為奸士習之不端關防之不密多

一月更幸錄

道光三十二

二

為要完整PDF請

由於此不可不防其流弊該御史所奏應毋庸議從之○是月給山西陽曲等五州縣湖南岳州衛浙江海甯等十三州縣被災口糧貸奉天金州水師營兵穀蠲緩湖南華容等十四州縣衛浙江海甯等三十一州縣衛被災新舊額賦雜款緩徵湖南乾州等五廳縣山西文水等三州縣河南鄭州等十三州縣山東鄒平等四十一州縣衛安徽懷甯等三十六州縣衛甘肅宜禾縣江蘇泰州海州場電被災新舊額賦通穀鹽課展緩湖北江夏等三十二州縣衛新舊額賦浙江仁和等三縣遭風

十一月壬辰以文德和爲內閣學士兼禮部侍郎銜由內閣侍讀學士遷○癸巳諭三公主年甫十一歲資質敏慧性情和順今於本月初八

日薨逝甚爲悼惜著加恩封爲端順固倫公主並派總管內務府大臣禧恩經理事宜一切均照固倫公主例辦理○丙申 上詣

大高殿祈雪○戊戌 上臨端順固倫公主殯所酌酒○臨故大學士托津第賜奠○癸卯以棍楚克策楞爲內閣學士兼禮部

侍郎銜由塔爾巴哈台參贊大臣遷○是月給吉林等三處歉區口糧展緩江蘇長洲等三十六州廳縣衛通賦陝西西安等三府州額賦緩徵

直隸霸州等四十一州縣江蘇上元等四十七州縣衛江西玉山餘千二縣甘肅皋蘭等二十八州廳縣被災新舊額賦浙江仁和

長亨二場竈課

十二月丁巳諭昨據理藩院會同刑部將文字等審明扎薩克貝子德勒克色楞一案遵旨嚴議具奏因處分過輕業經降旨示懲

此案經朕特派文字會同嵩溥查明所奏各情節多有不實不盡卽如該貝子因墜馬傷足不能騎馬曾坐椅橋打圍等語文字等

任其狡飾卽據供入奏至該貝子回旗演戲自屬相沿陋習文字等奏請旨飭禁經理藩院覆查道光八年間有禁止演戲一案僅

於摺尾聲敘至克興額彼時如何懲處並未敘入該貝子於奉諭通飭禁止後復敢蹈此惡習應如何定擬示懲亦未議及外省案

件既欽派大員前往審讞自應實心敬事不避嫌怨其嚴議衙門亦應秉公執法無稍瞻顧若俱顧預了事必待朕細心看出分別

功過覈實持平朕日理萬幾儻稍不經意則各案畸輕畸重在所不免諸臣受恩深重於古大臣善則歸君過則歸己之義豈茫乎

未之間耶乃相率因循以置身無過之地爲得計所謂任勞任怨者在嗣後務各振刷精神肅除積習事歸切實政賴匡襄毋負

朕諄諄誥誡之至意○壬戌 上詣 大高殿祈雪○癸亥賜陶澍 御書匾額○以朱嶠爲內閣學士兼禮部侍郎銜由詹事府遷○乙

丑 孝穆皇后 孝愼皇后梓宮奉安地宮○庚午諭前因兩淮鹽務疲敝已極經欽差大臣查明具奏降旨專交兩江總督管理

數年以來民商均便據陶澍奏章程既定雖務已有起色總督事繁勢難專顧鹽務請還舊制復設鹽政以專責成等語兩淮鹽務

既有轉換自須因時因勢持以久遠俾國課日見充裕陶澍來京陛見朕連日召對見其精神才具結實周到正當乘此時實力整

頓悉心經理方不愧爲國宣力之大臣况兩淮鹽政裁撤未久若如所奏復還舊制忽撤忽設國家亦無此政體所奏著不准行○

諭本日據申啓賢奏查閱省城營務請將參將守備等員分別降調留任已降旨允行矣巡撫職兼提督校閱營伍據實考覈分別

示懲本屬分內應辦之事申啓賢庸庸外任營伍素未諳習一切操防訓練諸事猶恐未便盡滿朕意然如所奏虛報弓力烏槍蠹

職竟有全未中乾者撫標係巡撫專轄城守近在省垣果能留心訓練其強弱更易周知前任巡撫鄂順安在任數年營務如此廢弛實屬孤恩溺職至本年山西省輪應較閱之期哈喇阿祥康皆係朕親信大臣特派前往宜如何實心甄別不避嫌怨今省城滿漢營伍若此各營似此者尙不知凡幾是其校閱時一味顛預搪塞了事全不以公事爲重殊失朕特簡大臣整飭營伍之至意哈喇阿祥康鄂順安著一併交部嚴加議處嗣後各督撫平日務當認真訓練加意剔釐其有經朕特派查閱之大臣各宜破除情面一秉大公甄覈嚴明無異朕親臨閱視方爲不負委任尋降哈喇阿二等侍衛祥康副都統鄂順安藍翎侍衛○癸酉予前任盛京禮部侍郎普保休致○甲戌召李義文來京以蘇廷玉爲四川布政使多歡爲四川按察使由通政司副使遷○丙子阿爾邦阿以病免調文慶爲戶部右侍郎恩桂爲吏部右侍郎以溥治爲兵部右侍郎由吏部右侍郎遷○己卯以邵甲名爲浙江按察使由湖北按察使遷○是月貸江蘇撫標及城守劉河二營災區兵餉蠲緩貴州松桃廳被水額賦展緩陝西綏德等四州縣被旱額賦○是歲朝鮮琉球來貢○會計天下民穀數各省通共大小男婦四萬一百七十六萬七千五十三名口各省通共存倉米穀三千五十三萬一千九百八十二石六斗五升一合一勺

道光東華續錄三十三

道光十六年丙申春正月丙申光聰諧以病免調賀長齡爲直隸布政使以鳳來爲福建布政使張澧中爲福建按察使由直隸大興道遷○辛丑諭前因御史鄭世任參奏湖南學政龔維琳信用門丁顧四隨棚索賕並索加棚規勒繳自刻詩賦價銀等情當降旨交趙盛奎查訊究辦茲據該侍郎審訊明確定擬具奏學政爲士林表率自應公正廉明關防嚴密方爲無忝厥職此案湖南學政龔維琳雖訊無加索棚規等項情弊惟該學政衙門丁役無多何難稽查約束乃於門丁顧四到處挑斥需索毫無覺察並將自作詩賦刊刻板片存留書鋪任其刷印售賣大屬非是龔維琳著交部嚴加議處湖廣總督訥爾經額前奏該學政考試公明士論翕服並未聞有幕友家丁不自檢束之語見據訊明顧四有到處挑斥需索情弊尙得謂該學政家丁能自檢束乎訥爾經額未經查明所奏不實著交部議處湖南巡撫吳榮光旣知該學政有刊書售賣情事並不據實奏聞及知有人參奏始以飭查未覆爲辭先占地步殊屬巧詐且吳榮光爲本省巡撫其咎較重吳榮光著交部嚴加議處尋革龔維琳職召吳榮光來京以四品京堂用○乙巳調裕泰爲湖南巡撫以賀長齡爲貴州巡撫調梁章鉅爲直隸布政使以趙炳言爲甘肅布政使楊慶琛爲湖南按察使由安徽巡撫調○丁未河南巡撫桂良奏謝寬免失察知縣虧缺倉庫銀穀處分得旨官官相護朕所惡也舞文取巧朕所惡也言行不實朕所惡也至用人行政偶有小失審度未能周妥一經發覺立即秉公辦理不稍回護是無私心也朕必寬其既往仍望其將來識之○辛亥命洗馬杜受田充 皇四子師傅○是月賑浙江義烏等三縣水旱災展給奉天廣甯等處水災旗民口糧貸甘肅金州等十四州縣江西蓮花等五十一廳縣陝西葭州等九州廳縣湖南澧州等四州縣山西保德等十五州縣水旱災雷災口糧籽種倉穀穀

徽山東濱州等三十五州縣衛山西太原縣水災蟲災正雜新舊額賦展緩直隸霸州等四十一州縣江蘇高郵等三十九州廳縣衛通賦

二月丙辰以麟魁為左副都御史由通政使遷○尹濟源以病免調周之琦為湖北巡撫以陳鑒為江西巡撫調怡良署江蘇布政使以李恩繹為江西布政使李振燾為陝西按察使由廣東鹽運使遷○戊午上御經筵○甲子諭每年正月內山高水長所用煙盒花爆等項向由兩淮鹽政豫備解京應用嗣後著永行停止○己巳上閱火器營兵○癸酉上啓鑾謁東陵○免經過地方額賦十分之三○丙子上謁昭西陵孝陵孝東陵景陵裕陵回鑾○湖南巡撫吳榮光奏武岡州匪徒藍正樽聚眾滋事見

帶兵親往督辦命吳榮光毋庸來京會同訥爾經額剿辦○己卯上還京師○壬午訥爾經額奏接據武岡州營稟報二月初六日賊匪二三千人分路撲城經千總張大宏等開放槍礮斃斃多人餘匪漸退初七日復帶兵追捕生擒首逆家屬起有黃布令字旗等件賊眾分途逃竄拿獲主謀助逆要犯張和尚陳仲潮及夥匪多名均稱藍正樽即藍沉贖係新甯縣籍生習教傳徒聞拿起

事命訥爾經額等嚴拿首逆追捕餘匪○陳嵩慶以病免以李宗昉為吏部左侍郎服闋三月丁亥上親耕藉田○壬辰杜壩以病免轉卓秉恬為禮部左侍郎以陳官俊為禮部右侍郎由內閣學士遷○癸巳申諭各直省稽

查會匪毋得諱匿及藉端需索○吳椿等奏海塘大工全竣○丙申諭刑部見行律例並無旗民結姻作何辦理專條戶部則例載有民人之女准與旗人聯姻一體給與恩賞銀兩旗人之女不准與民人為妻亦並無違者作何治罪明文此案陳陳氏將次女許

給高緯保為妻業經聘定著准其完配嗣後應如何明定條例著戶部妥議具奏尋議請嗣後八旗內務府三旗旗人內如將未經挑選之女許字民人者主婚之人照違制律治罪若將已挑選及例不入選之女許字民人者主婚之人照違令例治罪民人聘娶

旗人之女者亦一例科斷至已嫁暨已受聘之女俱違此次恩旨准其配合仍將旗女開除戶冊以示區別俟命下纂入則例從之○丁酉仍命吳榮光來京○壬寅命頒清漢對音字式○癸卯裁安徽徽州營文亭集把總一添設守備一○戊申以蔣立鑄為內閣學士兼禮部侍郎銜由少詹事遷○是月緩徵山西朔州等十州縣逋穀

夏四月癸亥召惠吉來京以梁章鉅為廣西巡撫陳崇禮為直隸布政使托渾布為直隸按察使由福建道遷○庚午申禁漕船私帶違禁器械○丁丑賜林鴻年等一百七十二人進士及第出身有差○諭本日據訥爾經額由驛馳奏剿捕武岡州滋事匪徒已就肅清一摺此案湖南新甯縣逆匪藍正樽即藍沉贖膽敢聚眾倡亂圍撲武岡州城先經該州營率領兵勇殲擒潰散復經該督撫督

率地方文武員弁嚴行搜捕節次剿擒匪犯千有餘名並究明餘黨盡法懲治及分別按律辦理惟首逆藍沉贖尚未弋獲著該督等嚴飭所屬並咨會鄰省一體嚴拿務獲明正刑誅以快人心而彰國法該地方文武於上年十一月間既將習教傳徒之潘明德等犯拿獲本年正月間復經得有風聞並續獲逆犯吳立鵠等彼時若能細心根究先事豫防即可消患未萌何至釀成巨案是該

地方官失察之咎本無可道姑念此次逆謀甫著卽行殲除見已一律肅清不至重煩兵力辦理尙爲迅速此時若卽將首逆拏獲立正典刑所有該管地方文武失察處分自可量予末減儻不能實力搜查致該首逆日久稽誅仍當重治其罪其見獲各犯除業已正法外餘著刑部速議具奏○是月貸甘肅秦州等八州縣被災口糧緩徵山東膠州等五十一州縣被災正雜新舊額賦陝西西安等三府州連穀

五月癸未朔諭軍機大臣等據興德等奏霍罕伯克差額爾沁前來呈遞稟帖開導曉諭一摺克什米爾巴達克山並非霍罕所屬其人在此貿易多年素稱馴順長齡從前所給諭帖止准伊等設立呼岱達約束伊等買賣人安靜貿易並無准向克什米爾巴達克山抽稅之詞該伯克遣人前來呈遞稟帖欲求抽稅殊屬可惡興德等反復開導嚴切曉諭該額爾沁無詞置辨既已輪服照舊筵宴賞資並給該伯克諭帖護送出卡所辦俱妥惟霍罕大羊性成變詐巨測經此次曉諭之後儻或貪心不足遣人再來遞呈惟有據理斥駁興德等總當督飭所屬勤加操演務使兵力精銳備豫不虞仍不時巡察邊卡加意防範並密諭喀什噶爾阿奇木伯克作霍爾敦差派妥靠回子出卡偵探該夷使回去如何光景據實具奏尋奏偵探該夷使密爾維阿玉普妄造謠言霍罕伯克並未聽信張格爾之兄玉素普已於六月閒病故又據葉爾羌卡外色喀庫勒阿奇木伯克庫爾察克稟稱有霍罕頭目布古奇帶領安集延布噶特數百人前來滋擾搶取牛羊經該伯克率眾抵禦殺賊二十餘名將牛羊奪回報聞○戊子諭本日引見新進士內正白旗滿洲進士慶廉一名形同殘廢步履甚艱因思我朝錄用旗員首重騎射八旗士子應試必先試以騎射合式者方准入場此乃一定之例不可廢者也慶廉既有殘疾豈能考試馬步箭適據御史永桐奏請飭查覈實等語著兵部查明派出監射之王大臣如何定爲合式准其會試之處秉公據實具奏並著監試王大臣及咨送考試之正白旗滿洲都統等明白回奏○庚寅諭前因正白旗滿洲進士慶廉形同殘廢步履甚艱當降旨著兵部查明准其會試之處據實具奏並著監射王大臣及咨送考試之都統等明白回奏茲據兵部及該旗都統監射王大臣等奏中樞政考內載凡遇考試進士舉人生員人等其有手拐者免考馬步箭等語並准兵部呈送大清會典暨中樞政考經軍機大臣開單進呈朕詳加披閱會典內載係手疾字樣中樞政考所載係手拐字樣著兵部卽遵照會典改正以歸畫一該監射王大臣及咨送考試之都統等於會試雖屬遵例免其考試馬步箭但慶廉形同殘廢尙不止於手疾該都統等不行駁斥率准送考自係瞻徇情面不肯認真該監射王大臣按照原冊不復行查依樣葫蘆不能實心於此可見奢親王仁壽員于縣偃及正白旗滿洲都統文字等俱著交各該衙門嚴加議處慶廉著仍照前旨歸班銓選○辛卯以梁萼涵爲浙江按察使由光祿寺少卿遷○壬辰諭前據御史許球奏參陝西巡撫楊名颺各款當降旨著湯金釗文慶前往查辦茲據湯金釗等查明楊名颺被參各款或事出有因或風聞未確逐一研求俱無贗私情節惟失察家人與鋪戶交結往來並在門房邀飲又不能禁絕屬員眷屬出入衙署實屬關防不嚴復於一家四命重案並不上緊督辦兇犯日久未獲緝捕又復鬆懈楊名颺著交

部嚴加議處○諭前因回子郡王伊薩克在京當差不習水土當降旨加恩飭令即回本處調養茲據國樞奏稱該郡王病已痊愈懇請代奏籲求賞給差使朕心甚為欣慰但念該郡王年逾六旬若使遠道來京依舊不習水土轉增勞勩伊薩克著無庸來京隨時加意調攝以示朕體恤有功回臣至意○丙申 上詣 黑龍潭祈雨○丁酉命刑部清理庶獄○戊戌諭前因文學上年四月間派審山東撤任知縣恩福一案並不按律懲辦九月間派審土默特貝子德勒克色楞一案不實不盡降旨訓飭並予以處分各大臣等自應振刷精神肅除積習乃近日正白旗滿洲都統等於咨送慶廉考試之件瞻徇情面濫行送考派出監射王大臣亦即按照原冊不復行查實屬不能實心任事經兵部照例嚴議具奏文學雖在出差期內未幾即已回任且係一旗之都統推諉模稜不知檢改並不檢查案卷秉公駁斥竟爾緘默不言且於明白回奏時並未將出差原由聲明安福拘泥例文於慶廉形同殘廢並不止於手疾率准咨送監射王大臣鑲白旗漢軍都統睿親王仁壽鑲藍旗蒙古都統蘇德依照原冊免考不行據實查辦朕綜理庶政十六年矣諸王大臣尙不知朕惟求一實字耶文字著革去都統安福著革去副都統仍各罰俸二年仁壽蘇德均著革去都統仍各罰職任俸二年俱不准其抵銷此係朕格外從寬辦理諸王大臣惟當益矢慎勤不避嫌怨無負諄諄訓誡之意○禮部尙書汪守和卒贈太子太保予祭葬○以吳椿為禮部尙書李宗昉為左都御史轉翼守正為吏部左侍郎調卓秉恬為吏部右侍郎轉陳官俊為禮部左侍郎以史評為禮部右侍郎學士選○己亥以廉敬為泰甯鎮總兵官轉貴慶為刑部左侍郎以明訓為刑部右侍郎薩迎阿為盛京禮部侍郎由哈密辦事大臣選○辛丑命步軍統領五城順天府及直隸清釐庶獄○乙巳調廖鴻荃為工部右侍郎轉史譜為兵部左侍郎以祁駕藻為兵部右侍郎閣學士選○丁未 上詣靜明園 龍神廟祈雨○辛亥 上詣 天神壇祈雨○王子瑜前據御史陳功奏兵部司員辦理考試蒙混當派著英武忠額查奏茲據奏慶廉於道光十一年送考時曾經監射王大臣嚴駁扣除十一年監射大臣係奕繪那清安辦理甚屬認真本年將慶廉送試之監射王大臣等業經量予處分奕繪等秉公持正自應酌量加恩以示平允奕繪見因病開缺著加恩賞食半俸那清安見已身故伊子全慶著賞加二級此案兵部司員容恩伊齡安俱著解任交大學士軍機大臣訊明具奏○是月貨直隸寶坻縣歉收口糧展緩江蘇海州等四州縣歉收新舊額賦六月丙辰諭嗣後凡緣事革職降調應行離省之員該督撫於交代清楚後不給咨令其回籍及同籍候補赴部候選轉將該員留省差委藉端保奏者著照委署別缺之例定為降一級調用私罪該部即載入則例通行各省著為令○庚申諭前據著英等查明御史陳功參奏兵部司員辦理考試蒙混一案當降旨交大學士軍機大臣訊明具奏茲據長齡等奏稱本科進士慶廉係兵部員外郎容恩胞姪容恩以該部掌印司員於胞姪應試輒與伊齡安會同辦理通行伊齡安以向無通行之例輒因檢查慶廉圖片改換例文通行八旗實屬有心舞弊容恩伊齡安不必交部議處著即行革職以示懲儆兵部堂官於該員等同堂辦理並無覺察著查取職名交部議處見任兵部各堂官未能將此案溯查亦屬疏忽著交部察議慶廉會試自係內場憑文取中然非容恩等蒙

混行文該監射大臣等肅行咨送皇能倖邀入場且此次覆試賦試俱名次在後朝考又未經入選即以文理而論亦屬平常著革去進士以爲蒙混倖邀者戒嗣後八旗士子必實係有手疾者方准遵照定例免其考試騎射不得以有疾蒙混概行免考以符定制而拔真才○辛酉諭國家營制之設原以校閱操防習勞肄武自提鎮以至備弁莫不有訓練兵丁之責必須平日講求騎射操演認真俾士卒悉成勁旅方爲無忝厥職至筆墨文藝本非武弁所重若留心肄習轉致荒廢營務則是重其所輕必至輕其所重於一切校閱操防安望其實力經理耶近來各省武弁盡知文義好弄筆墨以致營務廢弛者頗不乏人著各省督撫於大小營員隨時訓誡俾知漸除舊習專心操練如有仍蹈前轍不知悔改者立即指明參奏至文職人員科甲出身者多文藝本其素習一經出膺外任自當以地方公事爲重實力講求尙恐民隱未及周知政務或有貽誤若更分心筆墨必致公事拋荒殊非恪共盡職之義並著各督撫隨事隨時悉心察看儻有專耽文事不以公務爲重之員務須嚴加甄覈無稍瞻徇用副朕黜華崇實之至意○癸亥兩○命嗣後咨送八旗士子考試添派滿洲御史一員監射○丙寅以劉重麟爲安徽布政使由江蘇江布政使○丁卯命劉重麟以三四品京堂候補以程琳采爲安徽布政使調慶林爲山東按察使以唐鑑爲山西按察使由江蘇江布政使○丁丑以吳文鏞爲內閣學士兼禮部侍郎銜由詹事府

道光東華續錄三十四

秋七月壬午朔諭汪振基奏山西省壽陽等縣均有三教廟 至聖先師孔子與佛老同廟供奉與祀典不符著申啓賢通飭各屬

即行更正其各省有似此同廟供奉之處著各該督撫一律更正以崇正學○癸未程祖洛丁憂以鍾祥爲閩浙總督經額布爲山

東巡撫楊殿邦爲山西布政使調唐鑑爲貴州按察使慶林爲山西按察使李振燾爲山東按察使以劉鴻翔爲陝西按察使由甘肅

州道○乙酉計哈豐阿奏參在京大員干預本地公事並將原給書信條議一併呈覽一摺御前侍衛都統高喀爾貢恩膽大自取

罪戾著即革職交御前大臣軍機大臣會同審訊具奏又諭本日據哈豐阿參奏高喀爾以在京大員干預地方公事據實直陳可

嘉之至哈豐阿以武職出身人員乃能秉公持平不避嫌怨誠不愧爲滿洲大臣著賞加太子太保銜授爲內大臣所有應賠款項

加恩全行寬免以示嘉獎朕綜理庶政十六年來訓誡臣工惟求實心實政力挽瞻顧徇庇之風使內外臣工皆能振刷精神破除

情面勉副朕意何患不紀綱肅清日臻上理耶嗣後內外文武大臣皆當以哈豐阿爲法祇知尊君親上各矢公忠屏卻私情而挽

積習朕有厚望焉○丁亥諭昨據着英檢墮高喀爾前向索看戶部議覆黑龍江調劑牲丁摺底曾經將手摺給看等語部院辦理

事務各有專司即如戶部所辦議覆摺件惟應該衙門堂官互相商榷外此不得輿聞卽事已奏定亦不應將摺底交給外人致滋

干預著英於高喀爾向伊要摺底閱看輒將摺底交給高喀爾殊屬疏率著英著交部議處○己丑諭高喀爾以一品大員於黑龍

江歷久遵辦公事輒因私意妄託該將軍更改章程懲憑奏辦國家設官分職內外文武衙門各有專司一應公事俱不得越俎干

預高喀爾身受殊恩在內廷行走有年宜何如小心謹慎飭已奉公乃敢私致書函屬託公事負恩膽大自取罪戾見經御前大臣等審訊將高喀爾擬發軍臺效力贖罪不足蔽辜高喀爾著改發熱河充當苦差伊子安興阿克陞阿俱著即行革職一併發往熱河充當苦差以示懲儆已革藍翎侍衛那提順代高喀爾書寫信函係聽從主使並無干預別情惟未能阻止亦有不合著開復原官仍交部照例議處○癸巳諭前因高喀爾以在京一品大員內廷行走多年輒以私信屬託公事且有牽涉九卿戶兵二部代為通融等語負恩膽大自取罪戾業經將伊併其二子一同革職發往熱河充當苦差以示懲儆因思東三省暨西北兩路以及各省大員與在廷諸臣書信來往亦時有其間于預公事私相屬託未經舉發者實不能保其必無在廷諸臣於地方應辦緊要公事如果確有把握不妨據實奏聞儻可採納朕必立見施行若以私信屬託公事挾持地方官意在必行玩法孤恩莫此為甚封疆大吏均經朕特加擢用自當各矢公忠不避嫌怨方為不負委任嗣後儻有似此干預屬託一經舉發高喀爾即其前車之鑒地方大吏儻受其屬託或代為徇隱不即據實參奏別經發覺一併執法嚴懲決不寬貸將此通諭中外知之○甲午諭御史董宗遠奏請飭禁各省班館一摺州縣為親民之官辦理詞訟務宜速審速結小民庶免拖累即地方圈圍之設所以待有罪尋常案件原不准其私押近來外省州縣竟有設立班館羈押人證甚至經年累月隨意拖延以致胥役勒索民冤莫伸不可不嚴行查禁以靖閭閻著直省各督撫督飭各州縣毋得設立班館審理詞訟務須遵照定限即行審結儻仍有久羈未結案件即將該州縣據實嚴參本管道府扶同捏飾即由該上司一併參處決不寬貸○丙申大學士文孚以年衰乞免允之予食半俸○戊戌諭前因有人參奏上年廣東隨帶司員白讓卿陽金城等有得受苞苴之處當降旨將白讓卿等解任飭往廣東交恩銘趙盛奎等密加訪查據實嚴訊恩銘等即提訊石綸亭實有託寄箱隻情事自應俟白讓卿等到案質訊乃遽奏稱自粵起程迎至前途提訊已有不肯認真問訊之意本日恩銘等奏查審情形輒據白讓卿陽金城一面之詞遂謂所供並無收受苞苴賄賂情事尙屬可信審理案件於案情無可依據之處尙須逐細研究出端倪方成信讞此案既有寄託箱隻之石綸亭代寄通州之知縣趙桐無難三面質對至陽金城所帶衣箱如許之多已出情理之外又有家丁可究即使見在未盡隨至廣東查傳提訊不過稍淹時日何得顛預將就豫存和事之見據其所具親供信以為實乎朕非謂白讓卿陽金城必有得受苞苴情事然查辦事件總須得一實字似此查奏豈非有意草率枝梧迹近欺罔殊失朕以誠委任之義恩銘趙盛奎俱著交部議處○庚子命穆彰阿為武英殿大學士管理工部以琦善協辦大學士仍留直隸總督任調耆英為吏部尙書奕訢為戶部尙書禧恩為兵部尙書以武忠額為理藩院尙書凱音布為左都御史都統○壬寅革恩銘尙書都統降為三品頂帶仍帶革職留任革趙盛奎侍郎軍機大臣降為四品頂帶以三品京堂候補仍帶革職留任○以賈慶為禮部尙書降恩銘為刑部左侍郎○調龔守正為戶部左侍郎轉卓秉恬為吏部左侍郎調陳官俊為吏部右侍郎轉史評為禮部左侍郎以王植為禮部右侍郎○丙午諭盛京為根本重地風俗素稱淳樸前因有演戲賭博

等惡習屢經降旨飭令該將軍等實力嚴禁力挽頹風因思陪都地方近因五方輻輳難免漸染紛華演戲經禁革難保必無賭博之習尤爲人心風俗之害甚至服飾競爲新奇耳濡目染勢所必至著該將軍府尹等隨時整頓實力稽查戲班賭棍驅逐嚴拏其服飾新奇不合舊式者立即嚴行禁止以期還淳反樸力挽頹風○戊申諭正白旗漢軍都統奏本年致祭明陵侯朱貽垣出缺該族中並無品級較大之員惟有候補通判書桂請即派書桂代爲致祭等語書桂品級尙小未便致祭此次著派委散秩大臣樂英致祭嗣後春秋二季致祭明陵著仍照舊派承襲侯爵之人前往致祭如無襲爵之人或另有事故不能前往即派伊族中品級較大之員代爲致祭若該族亦無品級較大之員即由該族請旨派散秩大臣致祭著爲令用示朕加禮前朝之意○是月展緩河南原武縣繳收新舊額賦有差

八月壬戌以吳其濬爲內閣學士兼禮部侍郎銜由通政司副使選○調陳崇禮爲福建布政使以顏伯燾爲直隸布政使前任直隸布政使○癸酉諭向來投遞匿名文書告言人罪拾獲者照例銷毀原所以戢奸宄而防傾陷近來各省士民習染漸深往往編造歌謠妄將該管各官肆行詆毀冀洩私忿迨經頒派大臣前往或交督撫大吏秉公查訪所指各款多屬子虛而爲所指斥者不但聲名頓減且牽涉多人紛紛提究受累已不待言揆厥由來大率懷挾私仇妄希拖累又慮出名控告一經審訊即照誣捏治罪是以情變百出作爲歌詞隱匿姓名巧相誣譏即審明實無其事全係捕風捉影之談亦得置身局外無從究治其罪是此等兇賊伎倆實與匿名揭帖無異於風俗人心大有關繫不可不嚴行查禁嗣後各省大吏遇有傳播歌謠指斥公事者惟當虛衷體訪嚴密根追並究

明編自何人一經得有捏寫主名即行密拏到案訊明平日有何仇怨照例嚴行懲治毋稍寬縱以省株累而挽頹風九月癸未諭軍機大臣等據御史陶士林奏棚民開山種植農藏奸誘飭查禁一摺江南地方素稱沃壤若棚民開山種植日漸加增土鬆石碎大雨衝刷盡納於下游河港之中年復一年必致淤塞河道且棚民俱係外籍跡跡難測匪奸窩盜難保不滋生事端著陶澍等嚴飭所屬各州縣於棚民墾種處所設法嚴密管束或寬予限期令其漸回本鄉其未經開種之山著即嚴行查禁務當通盤籌畫毋令日久滋弊是爲至要○戊子添設龍泉峪妃園寢內務府主事副內管領各一○庚寅史譜以病免轉祁壽藻爲兵部左侍郎以潘錫恩爲兵部右侍郎由吏部選○楊名慶緣事解任以湯金釗暫署陝西巡撫由吏部調○壬辰諭軍機大臣等昨據湯金釗等奏參楊名慶業經降旨解任交辦矣楊名慶歷任陝西多年如果查有簠簋不飭等事著即一面革職查封任所費財不准偷漏隱匿一面具奏嚴辦其袒護同鄉一節亦著逐細查明具奏至李廷錫既署臬司於地方重案自應覈實辦理何以被該撫指參撤任之後始赴湯金釗等處呈遞稟詞難保非挾嫌訐告亦應徹底根究以成信讞而昭平允湯金釗等俱係朕特簡著破除情面無枉無縱勉副朕覈實辦公至意○以德興爲泰甯鎮總兵官調德春爲盛京戶部侍郎以惠吉爲盛京兵部侍郎前任撫

○以富呢揚阿爲陝西巡撫由烏魯木齊部統選○庚子 上閱健銳營兵○壬寅以李象鵬爲江蘇按察使由江西清江浦道選○甲辰諭本日據

刑部奏審擬太監張爾漢等屬託公事一摺已依議行矣此案太監張進忠因賭博被獲自有應得之罪總管太監張爾漢向者英懇求釋放首領太監許福善從旁幫說均屬不合此等小人不知事體輕重冒昧干求著英身爲一品大臣如其事關重大自應據實奏聞即使情節較輕亦當正色拒絕面斥其非乃輕聽張爾漢等懇求之詞遽令所屬員弁留供取保解回當差殊非公正辦事之道此案情節本屬細微惟太監人等於外延事件妄有干預著英既不能嚴行拒絕又復聽其請託如此瞻徇卑鄙尙安望其秉公持正爲國宣力耶著英著交都察院嚴加議處卽來京聽候諭旨所有前交查辦江西事件如尙未完結卽著朱士彥會同陳鑾辦理其廣東應查各案著朱士彥會同廣州將軍蘇勒芳阿秉公查辦○丙午諭刑部侍郎明訓經朕由內閣學士游攬卿貳昨日到京召見並未叩首謝恩何以肅率至此明訓著降爲內閣學士候補○諭湯金釗等奏遵旨確查據實具奏一摺陝西巡撫楊名勵辦理工程並未將甯陝等五十七廳州縣應領墊辦兵差銀兩捐輸修建緣由明白聲敘輒以率同城司道府縣各官捐廉督辦等詞含混入奏實屬巧飾且於臨潼富平等缺輒將同鄉謝長年謝長清調補並因謝長年調補時出差未回復令謝長清前往署理弟兄前後接任顯係爲人擇缺意存袒護楊名勵著交部嚴加議處定遠廳同知謝長年富平縣知縣謝長清因與該撫同鄉均得調補並以同胞兄弟接任交代迹涉夤緣著交部議處至各直省州縣等官弟兄同在一省照例應否回避著吏部查明具奏○調隆文爲刑部右侍郎轉吉倫泰爲理藩院左侍郎以功普爲理藩院右侍郎由左副都御史遷○戊申以李振祐爲左副都御史由吏部○圓明園三殿災○已酉諭著英以一品大員於太監人等懇求之詞不行拒絕經都察院遵旨將著英議以革職自屬咎所應得姑念其平日辦事無誤此案情節尙輕惟履霜堅冰不可不防其漸著英著革去尙書都統步軍統領內務府大臣加恩以侍郎降補以示薄懲朕綜理庶政一秉大公議過之條務期允協在廷諸臣其各體朕心勿事瞻徇勉副朕諄諄誥誡至意○以奕經爲吏部尙書由盛京將軍遷○以凱音布爲成都將軍敬徵爲左都御史由戶部右侍郎遷○是月賑盛京大白旗堡等處山西朔州等十一州廳縣貴州松桃廳災民展賑陝西神木縣災民蠲免山西朔州等十一州廳縣陝西榆林府屬被災新舊額賦

冬十月壬子諭楊名勵於辦理工程含混入奏已屬巧飾又於臨潼富平等缺輒將同鄉謝長年謝長清調補並因謝長年調補臨潼時出差未回復令謝長清前往署理弟兄前後接任顯係爲人擇缺意存袒護楊名勵著卽革職定遠廳同知謝長年富平縣知縣謝長清因與該撫同鄉均得調補並以同胞兄弟接任交代迹涉夤緣謝長年謝長清均著降三級調用毋庸查級議抵再直省調署各缺例由兩司具詳不得以巡撫意存袒護一味迎合所有謝長年謝長清調署具詳之布政使按察使著陝西巡撫查取職名送部加等議處至州縣中弟兄同在一省例不同避其同在一府者例文本未明晰尙經該督撫查請到部均照鹽場與地方官員父子同官一府之例令其回避以別府所屬之缺調補嗣後州縣官兄弟同在一府者著以別府所屬之缺調補該部卽纂入則例通行遵辦○甲寅慶郡王綿懿薨賞治喪銀四千兩予祭葬諡曰良○乙卯上臨故慶良郡王蘇愍第賜奠○諭慶郡王蘇愍爲

朕親叔慶僖親王之子秉性樸醇持躬謹飭自秋間遭病展轉增劇竟爾溘逝本日朕親賜奠悲惋實深敬仰體 皇考友于之誼

著加恩再承襲郡王一次綿懋見無子嗣其應行立嗣承襲之處著宗人府照例辦理該部知道欽此○丙辰加福州將軍長清太子太保○己未諭向來科道等官於京外各省事件如有風聞原許據實陳奏請旨查辦至應如何辦理之處豈容妄違臆見率行瀆請茲據給事中寅德奏江西廩生陳奉來前因呈報開採鉛礦致被斥革請開復廩生飭令前往採辦實屬糊塗冒昧寅德不勝給事中之任著回原衙門行走○庚申命儀順郡王次子奕綵繼慶良郡王綏懋為嗣仍襲郡王爵○丁卯

以琦琛為左副都御史由大理寺卿遷○庚午賜王瑞等六十人武進士及第出身有差○壬申諭馬成金著准其以文生員兼襲騎都尉世職嗣後承襲二二三等輕車都尉及騎都尉世職比照雲騎尉騎尉之例准其以文武生員兼襲應試支食世職俸銀該部仍

於帶領引見時將應否兼襲之處聲明請旨其捐貢監人員概不准其兼襲亦不准以本非文武生員將輕車都尉騎都尉世職改作生員應試以示限制該部即纂入則例永遠遵行○甲戌諭給事中鮑文瀾奏陶澍違禁私刊奏疏一摺並將原刊奏疏呈覽朕

詳加披閱其所刊刻俱係發鈔事件惟封疆大吏身膺重任所奉硃批理當慎密方為不負委任陶澍輒行刊布迹近沽名殊失公爾忘私之義陶澍著交部議處至另片奏准北票鹽辦理不善等語准北改行票鹽總期於國課民食兩有裨益如該督於每年奏

銷鹽課短絀該部自能參奏即令民食不便其所行票鹽各省該督撫亦必具陳利弊候朕施行鮑文瀾此奏摺摭瑣屑意涉挾嫌此風斷不可長鮑文瀾著一併交部議處尋部議陶澍鮑文瀾均降三級調用得旨陶澍改為降四級留任鮑文瀾著回編修任○

是月貸甘肅涇州等八州縣山西山陰縣災歉口糧倉穀籽種蠶緩直隸景州等十二州縣水旱災新舊額賦緩徵河南安陽等十縣陝西綏德等九州縣湖北沔陽等十三州縣衛安徽壽州等二十州縣衛甘肅河州等十四州廳縣奉天三姓地方水旱災雹災

新舊額賦展緩黑龍江等三處通穀湖南茶陵等九州縣通賦兩淮板浦等三場通課十一月丙戌諭前據馮贊勳奏參廣西宣化縣知縣楊時行署任月餘責斃數命當交恩銘趙盛奎秉公確查具奏嗣據查明該員

實無濫刑斃命情事復據馮贊勳將楊時行責斃各犯姓名案由月日開單呈覽並奏請密飭覆查適因新任廣西巡撫梁章鉅來京陛見當將原摺清單交該撫帶往嚴密訪查務得確據茲據該撫奏稱檢查案卷覈對各犯被押月日並無將卷宗抽換消滅之

弊其用小竹板管訊賊犯亦無杖以百計之事且各犯發保病故相距自一二十日至數月不等見經查明民人馮大學開場誘賭經楊時行於訪問拏獲該犯口稱伊姪居京職求全顏面該員照例責懲毫無瞻徇可稱不畏強禦甚屬難得著該撫察其才具

如果始終奮勉遇有應升之缺酌量保奏以為州縣各官實能除暴安良者勸梁章鉅甫經升任巡撫於交查之件即能悉心體訪據實奏聞使賢能之員不至屈抑甚屬可嘉著加恩交部議敘至言官風聞奏事當為國計民生起見馮贊勳兩次陳奏俱云得自

家書並將責斃各犯開具姓名月日乃一經查訪全不相符且其所奏竟係一片私心輕信族人無據之辭意圖報復似此紳士書

役挾制地方官其風斷不可長馮贊勳著交部嚴加議處○戊子諭予告陝甘總督楊遇春敷慰中外宣力三朝朕每軫念勤勞
 渥承眷注本月四川總督鄂山來京陛見經朕詢問楊遇春在籍頗養安和精神強固甚為欣慰朕特親書福壽二字並頒給內府
 人漢十兩著鄂山帶回賞給楊遇春祇領以迓麻祥其子前任河南巡撫楊國楨因丁母憂在籍著於服闋後迅即來京候朕簡用
 以示優待蓋臣有加無已至意○己丑諭本日據吏部遵旨將馮贊勳嚴議具奏言官為朝廷耳目所寄責任綦重凡所敷陳當為
 國計民生起見其有關繫國是切中時宜者朕必量加採納立見施行即或偶爾失實而所奏尚屬因公亦必曲加寬恕從不遽加
 譴責朕於大小臣工賞功罰罪一秉大公斷不稍存私見即如本年高喀爾於黑龍江歷久遵辦之事輒因私意妄託該將軍更政
 章程懲薄具奏尚係為地方公事惟不自行據實陳奏膽敢私致書函屬其奏辦即屬有心干預是以於訊明後立予重懲不稍寬
 貸馮贊勳前任言官時遇事敢言開有指陳尚堪採取經朕加恩擢至四品京堂宜何如屏除私念力圖報效以慰朕用人求治之
 意乃逞其一片私心於署宣化縣知縣楊時行杖責竊匪本無濫刑斃命情事輕聽族人無據之詞兩次曉曉奏意圖誣陷地方
 官隱遂其報復之計其居心實不可問此端一開在京大員藉端挾制地方官必致每事掣肘吏治尚可問耶馮贊勳著即照部議
 革職以為徇私忘公者戒○壬辰諭御史富隆額奏請查捏造浮言一摺國家設立科道等官廣開言路原期興利除弊摘伏懲
 奸於國計民生兩有裨益數年來科道中每有陳奏朕無不虛衷採納其建言得體有裨政治者或加恩外擢或簡畀京卿其或事
 涉瑣屑指陳無據亦不予以嚴譴所以獎勵激勸俾令知無不言言無不盡乃近來妄肆譏彈捕風捉影甚且挾嫌誣陷報復逞私
 尚復成何事體經朕將該員等分別懲處實朕萬不得已之苦心在廷臣工有言事之責者宜何如仰體朕心靖共獻納勉副朕致
 致求治之意若如該御史所奏言官奏事應究風之所自起聞之所由來是使進言之人心存畏意瞻顧不前必致民生疾苦吏治
 廢弛悉壅上聞豈不於朝廷設立言官之意與朕達聰明目之心大相逕庭耶所奏著無庸議○福建提督馬濟勝卒晉贈太子太
 保賞銀五百兩治喪予祭葬諡昭武○甲午諭申啓賢奏恭刊御製人臣儆心錄欽定訓飭州縣規條頒布通省官員一摺所
 見甚是州縣為親民之官果能各盡其職則天下自無不治膺是職者宜何如精白乃心勤求民事以副朕愛養元元之意若如該
 撫所奏州縣蒞任之始不問地方之利病先問缺分之肥瘠凡前人所不敢存諸寤寐者今則直言諸大廷廣眾之中而無忤容一
 切公事委之幕友任之書役以故營私作偽徇徇紳曠官積習相沿恬不為怪夫吏治之廢弛全在該管各大員設法化導多方振作
 使知愧奮思勉自可力挽頹風該撫刊刻書函俾各該州縣實力講求前除痼習洵為正本清源之論著照所奏辦理因思督省吏
 治如此各直省想亦不免所有雍正八年欽定訓飭州縣規條一書其中條列州縣事宜尤為收令法守著各該督撫即遵照原
 書敬謹刊刻頒發所屬各該州縣俾得細心究習實力奉行有所據依以為準則儻有陽奉陰違執迷不悟者即著該督撫據實參
 劾毋得稍事姑容務使民咸樂業比戶可封大法小廉吏治蒸蒸日上朕實有厚望焉○乙未諭軍機大臣等本日據興德等由四

百里馳奏色喀庫勒地方被賊滋擾一摺據稱十月初三日霍罕列什格爾胡什伯克帶領賊人到色喀庫勒地方將城垣用礮打開阿奇木伯克庫爾察克率眾抵禦互有殺傷庫爾察克帶傷被擒其餘伯克被傷身死逃亡者尙復不少伊什罕伯克邁熱木等家眷均被搶去大約賊有二千餘人見籌防禦等語霍罕夷人犬羊性成貪黷無厭見在胡什伯克既將色喀庫勒地方占據難保不由彼進卡肆行滋擾計廉敬到彼尙需時日奕山接奉此旨著卽迅速馳赴葉爾羌並與特依順保妥商於領隊大臣內酌派一二員隨同前往將與德等摺內所稱各情節詳細確查先行知照喀什噶爾辦事領隊大臣等將胡什伯克差來之阿布都爾滿等六人嚴行看守毋許放令出卡務當體察見在情形儻該夷人等膽敢肆意擾亂勢須調兵該大臣卽一面調派官兵一面據實具奏並嚴諭各城一體防範如該夷人等進卡滋事自當實力剿捕惟不准擅行出卡致開邊釁並著該大臣馳抵葉爾羌後卽需寫諭帖曉諭霍罕伯克素稱恭順並能約束卡外夷人俱臻安靜是以大皇帝加恩准予通商並免納稅色喀庫勒係屬天朝地方今聞胡什伯克帶領多人在彼滋事該伯克諒不知情是屬下之人敢於擾我邊陲妄行抗拒該伯克身受天朝浩蕩之恩務卽查明此次進卡滋事之人自行懲辦並嚴諭所屬嗣後務當各守藩籬永遠約束儻再擅入邊界致生事端恐大皇帝天威震怒絕其貿易不准通商是該伯克不能承受天恩自貽伊戚也如此剴切宣諭該伯克果能悔罪輸誠自可不煩兵力儻竟執迷不悟該大臣卽行通盤籌畫將應如何辦理之處據實具奏固不可示之以弱亦不可過事張皇是爲至要至前交查辦各件著候廉敬到葉爾羌時再行會商辦理○戊戌調惠吉爲盛京刑部侍郎文蔚爲盛京兵部侍郎○庚子定親王奕紹薨命惠郡王蘇愉往奠茶酒賞銀五千兩治喪予祭葬諡曰端以其子載銓襲郡王爵○以敬徵爲工部尙書調武忠額爲左都御史以奕紀爲理藩院尙書轉文慶爲戶部左侍郎調賽尙阿爲戶部右侍郎以奎照爲工部右侍郎由左翼總兵遷○辛丑上臨故定端親王奕紹第賜奠○壬寅以奕紀署御前大臣○癸卯上詣大高殿祈雪○是月給陝西府谷等四縣霜雹災口糧蠲緩直隸安州等三州縣水災額賦緩徵山東德州等六十一州縣衛江蘇高郵等五十二州縣衛江西蓮花等四十三廳縣水旱災新舊額賦展緩湖北荆門等七州縣通

賦

十二月辛亥諭向來秋審人犯內緩決三次以上者人數積多每屆數年諭令刑部查明奏請分別減等以示法外之仁今自道光九年查辦之後至本年秋讞入緩決者又積有一萬二千三百餘名著刑部將本年秋審期審緩決三次以上各犯照節次查辦之例逐一查明所犯情節奏明分別減等發落以昭矜恤○丁巳上再詣大高殿祈雪○王戊上再臨故定端親王奕紹第賜奠○轉溥治爲兵部左侍郎以查英爲兵部右侍郎降補○癸亥雪○甲子以李宗傳爲山東按察使由四川成縣龍茂道遷○丁卯諭宗人府奏御史永桐因揀選員勒未經入選具稟瀆辯永桐係宏旡之子乾隆年間宏旡因莊頭事件使人至通永道屬託革去貝子都統治罪是宏旡所犯本係私罪何得謂爲無罪之人卽嘉慶年間賞給奉恩將軍准其隨班入朝係屬特恩乘暇錄用此次宗